



UGOVOR

o nabavci mašinskih radova na zamjeni i održavanju mjerno regulacionih uređaja

KJKP Sarajevogas d.o.o., Sarajevo, ul.Trg Fadile Odžaković Žute br. 4, Sarajevo
Koga zastupa: Direktor mr.sc. Nihada Glamoč, dipl.ing.maš., (u daljem tekstu: Naručilac)

i EL TE3 d.o.o., Goraždanska br. 3, Sarajevo
Koga zastupa: Direktor, Abdulah Hasanefendić, (u daljem tekstu: Izvođač)

Član 1.

Na osnovu **Okvirnog sporazuma broj 78/17**, a po provedenom otvorenom postupku nabavke radova broj TD-05-04/17, ugovorne strane zaključuju ugovor br. 1 (jedan) o nabavci mašinskih radova na zamjeni i održavanju mjerno regulacionih uređaja.

Član 2.

Predmet ovog Ugovora je izvođenje mašinskih radova na zamjeni i održavanju mjerno regulacionih uređaja po provedenom otvorenom postupku nabavke broj TD-05-04/17. Izvođač radova je dostavio ponudu prema obrascu za cijenu ponude broj SP-OJ04-TD-05-04/17 (ANEX III) od.20.02.2017. godine. Sadržaj i vrijednost radova iz stava 1. ovog člana (obrazac za cijenu ponude SP-OJ04-TD-05-04/17 ANEX III) priložena je ovom ugovoru i predstavlja njegov sastavni dio.

Član 3.

Ugovorna vrijednost radova iz člana 1. ovog ugovora bez PDV-a iznosi: 65.200,00 KM (slovima: šezdesetpethiljadadvjesto KM), a jednične cijene su fiksne i specificirane u prilogu ovog Ugovora i čine njegov sastavni dio.

Član 4.

Izvođač radova će radove iz člana 1. izvršavati kvalitetno u skladu sa važećim zakonima, propisima, tehničkim pravilima i internim tehničkim pravilima Naručioca (Tehnička uputstva, Procedure, Instrukcije). Obim radova zavisi od potreba Naručioca koji će za predmetne radove ispostavljeti sukcesivne narudžbenice prema obrascu za cijenu ponude SP-OJ04-TD-05-04/17 (ANEX III) nakon zaključenja ovog ugovora.

Član 5.

Obaveza izvođača radova je da:

- otpočne sa radovima nakon obostranog potpisivanja Ugovora,
- vodi montažni dnevnik i građevinsku knjigu,
- sačini „Zapisnike o izvršenim radovima“ i „Zapisnike o zamjeni-montaži mjernih uređaja“ i popunjava „Chek listu aktivnosti na zamjeni kompletnih RMS“ (zapisnike i Chek listu obezbjeđuje Naručilac),
- prije otvaranja interventnih ventila u RMS vizuelnom kontrolom provjeri da li su otvori na unutrašnjoj gasnoj instalaciji kupca propisno zatvoreni metalnim čepovima, kapama ili slijepim prirubicama u skladu sa zahtjevima TP G600,
- snosi eventualne troškove sanacije oštećenja tuđih instalacija,
- se u roku od dva (2) dana odazove na poziv naručioca.

Član 5.

Obaveza Naručioca je da po potpisivanju ugovora imenuje nadzornog organa.

Član 6.

Izvođač radova će obračun izvršenih radova vršiti po jediničnim cijenama iz priloga ovom Ugovoru. Naručilac će plaćanje izvršenih radova izvršiti u roku od 60 dana po ispostavljanju i ovjeravanju situacije, odnosno prijemu uredno ispostavljene fakture na transakcijski račun izvođača naveden na fakturi.

U prilogu fakture neophodno je dostaviti:

- obračun sa količinama i jediničnim cijenama ovjeren od strane nadzornog organa Naručioca,
- obračun eventualnih naknadnih radova, količine i jedinične cijene ovjeren od nadzornog organa Naručioca,
- građevinsku knjigu ovjerenu od strane nadzornog organa Naručioca.



	OJ	RB/GOD	Rev
UG	OJ04	TD-05-04/17	01

Član 7.

Naručilac i Izvođač radova se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 8.

Izvođač radova nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Naručioca.

Član 9.

Za sve izvršene radove Izvođač radova daje garanciju na kvalitet izvršenih radova na period od 2 (dvije) godine.

Član 10.

Akoliko Naručilac u ugovornom roku iz člana 6. ovog ugovora ne plati cijenu za isporučenu robu obavezan je Izvođaču radova isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 12.

Ugovorne strane su saglasne da Izvođač radova neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci. Ograničenja u smetnji iz stava 1. ovog člana traju 6 (šest) mjeseci od dana zaključenja ugovora.

Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Izvođača:

Direktor, Abdulah Hasanefendić

Broj i datum ugovora, 09-04/17
10.04.2017



Za Naručioca:

Direktor Preduzeća

Mr. sc. Nihada Glamoč, dipl.ing.maš

Izvršni direktor

Mr. Mehmed Mehović, dipl.oec.

Broj i datum ugovora, 79/17
06-04-2017



Naziv ponuđača: "ELEKTROB" d.o.o.
 Ponuda br.: 32-03/17

ANEKSIJ III

MAŠINSKI RADOVI NA MONTAŽI I DEMONTAŽI MJERNO REGULACIONIH UREĐAJA (MRU)

RBr	Opis	Jed. mjere	Planirane Količine	Jedinična cijena	Ukupna vrijednost radova
1.	Demontaža starijih MRU i montaža novih MRU sa spajanjem ulaznog i izlaznog dijela iz MRU uz potrebne montažne varove i potrebnim materijalom* (MRU G2,5 do G6)	Kom	2100	44,-	92.400,-
2.	Demontaža starijih i montaža novih mjeraca istih ugradbenih dimenzija sa potrebnim materijalom* (G 2.5 do G6)	kom	1000	38,-	38.000,-
UKUPNA VRIJEDNOST RADOVA BEZ PDV-a: KM					130.400,-
POPUST: KM					-
UKUPNA VRIJEDNOST RADOVA SA POPUSTOM BEZ PDV-a: KM					-

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

* Potrebni materijal podrazumijeva materijal koji je neophodan za izvršenje radova pod tačkom 1 i 2 (zaptivni materijal, zaptivna sredstva, cijevi, nosači cijevi, razni fazonski elementi). Materijal koji se ugrađuje mora imati adekvatne certifikate.

Za ponuđača:

Za KJKP "Sarajevogas" d.o.o.:



Šef služba za komercijalne poslove
 Mirsad Fatić, dipl. oec.

Izvršni direktor
 Mr. Mehmed Mehović, dipl. oec.